

Utriusque cruris paralysis.

Cum essem Laphemium evocatus ad Nob. Dn. Phil. Carolum de **Welden**/inter alios egros, cujusdam subditi Filia 10. annorum curanda presentata, utriusque cruris patalyli detenta, totaliter motu privata ab obstructione nervorum circa os sacrum procedentium à crassis pituitosis humoribus & viam spiritibus animalibus motioni intervenientibus, præcludentibus. Cui sequentia ordinata & feliciter curata.

Ad humores phlegmaticos evacuandos. Præscriptum hydromel laxat.
℞. R. Enul. sænic. Ireos flor. an. ʒij. herb. beton. meliss. anth. salv. a. p. j. fol. sen. l. l. ʒj. agar. rec. troc. ʒss. Mech. al. ʒij. Turb. al. gumm. ʒij. gal. min. ʒj. f. sac. pro mens. hydrom. exh. quart. s. pro vice.

Corpore depurato, ordinatum Baln. ex dec. herb. salv. orig. anthof. major. chamo. gr. & summit. Juniperi.

De convulsionibus Epilepticis.

OBSERVAT. I.



Um Filius meus Nathanael, 20. ann. artis Pæoniæ Studiosus, Naturæ melancholicæ, in Pharmacopolio Argentoratensi Ringleriano, suam locans operam, feбри continuâ malignâ aliquandiu detentus, ab eâ tandem liber ac immunis, cum videretur in salvo, convulsionibus Epilepticis erat correptus, interdum sola crura motibus convulsivis per intervalla, agitata: malo isto per aliquot hebdomadas perdurante, Argentinam relinquens, ad nos velut Patrios Lares, se recepit, expectans morbi c-

ventum, secundum Dei beneplacitum. Erat casus miserandus & deplorandus. Invadente paroxysmo Epileptico, ingens stertor subsedit, qui de summitate ædium in plateâ exauditus, ut metus immineret suffocationis. Casus rarus & paucis Medicis, præsertim in nostro districtu, cognitus. Ego ponderans varias circumstantias, imprimis respiciens illius Naturam melancholicam, observare cæpi illa symptomata non per *ιδιοπάθειαν* à cerebro dependere, sed per *συμπάθειαν* hypochondriorum, sub quibus in venis mæraicis delitescat *laburra* vitiosorum humorum.

morum melancholicorum, cum bile & sero mixtorum, è quorum *paroxysm* ac fervore, per putredinem concitato, dum expirant maligni ac corrupti vapores, cerebrum & nervosas partes impetentes, & suã inimicã qualitate, facultatem expultricem irritantes, ad rem noxiam persequendam, motus illos convulsivos concitari. In hac meã opinione sum confirmatus haud frivolis conjecturis, dum quotidie paroxysmo redeunte, in lecto decumbens, per horas 6. 7. 8. 12. quasi attonitus, sine loquela, immensum capitis dolorem percipiens, quasi cerebrum funiculis *contractum* contraheretur, *insuper* in toto æstum sentiens, febrilem dispositionem arguens, imprimis circa sinistri hypochondrii regionem, ardorem animadvertens. Exin effumantes vapores mala qualitate imbuti, tam gravium symptomatum authores. Ad malum illud debellandum, rationi consonum videbatur, vitiosos illos humores evacuare, obstructions reserare, & malignitatem propulsare. Eum in finem diversa ordinata purgantia, sed sine fructu, ut ipse etiam dixerit, eorum medio, morbum suum eradicari non posse, nisi alia succurrant præsidia, ætæ de suã salute, cum & Medici Argentinenfis opera, evacuando procedentis, frustra. Tentavi etiam venæsectionem in brachio sinistro, aperta splenetica, haud levi

cum levamine, exin quasi substracto igneo funiculo, qui sub sinistro hypochondrio, herere videbatur. Cum autem malum tam refractarium, tam contumax, ut hisce præsidis non cederet, cum iste affectus mihi videretur magnam habere cognitionem, si non identitatem, cum morbo illo epidemio Hassiaco, quem *die Kirbelsucht* indigitant, à corruptione serosorum cum ichoribus biliosis, mixtorum humorum, pronato, cum motibus convulsivis conjuncto: Exin scopum curationis direxi, ad infringendam venenositatem, salutari successu & eventu.

R. vincetoxici, succisæ, Enullæ, pæon. maris decr. L. coll. Garyo. an. ʒiʒ. bac. lauri. ʒʒ. anth. sal. ferpilli. a. gr. xv. sp. plirifarch. diamof. dul. dianth. a. ʒʒ. f. p. cujus prima vice. ʒi. oblata, cum aq. pæon. ceras. n. a. ʒiʒ. M.

Vix persuaderi, aut impelli potest ad assumendum, tam erat nauseabundus, aut more melancholicorum suspiciosus ac diffidens. Tandem obsequium præstitit. Pul. illo oblato, in lecto decubuit à summo diluculo ad vesperam usque, sine loquela, oculis clausis, quasi attonitus. Cum ad se rediisset, percontanti de medicamento successu, respondit, se tantam contractionem in capite sensitisse, per aliquot horas perseverantem, quasi tota cerebri substantia per oculos, nares & aures erumpere

conaretur, velut funiculis divulsa. Cum suavissem illius pul. usum per aliquot matutinas continuaret, cum impossibile, annosam quercum, unico ictu prosternere: ita morbum radicatum, unica vice expugnari non posse: sed totis viribus restitit.

Non minus unica illa dosis pul. prædicti alexiteriam vim habentis,

miraculosum reliquit effectum; dum omnia symptomata evicta & profligata, nec amplius reversa. T^{is} ^{est} in morbis, & vim occultam pauci respiciunt, solis purgantibus & obstructions referantibus, cunctos morbos propulsare, in cassum annitentes.

OBSERVAT. II.

Epilepsia non à solâ vaporosâ materiâ, sed humorosâ copiosâ in cavitatibus cerebri contentâ, proveniens.

ILLust. ac Generosus Dn. Erasmus de Teuffenbach/ L.B. in Styria, cum febre hecticâ contabuisset, ut nihil residui, præter cutim & ossâ, tandem convulsiones Epilepticæ supervenêre & finem vitæ imposuêre. Erant panè continuæ die noctuque affligentes, ultra biduum perseverantes, dum Natura evicta & prostrata, eram attonitus, & etiamnum quoties recordari soleo, admiror, tantum sceletum, tantam violentiam symptomatum, tamdiu sustinere potuisse, observatum ex capite materiam creberrimè descendere per fauces in œsophagum, eam deglutire Ill. æger est coactus, interdum etiam per os rejecta, ad viriditatem & nigritiem inclinans, exin perspicuum, humores corruptos, cum bile & humore melan-

cholico mixtos, illius mali effectores. Etsi haud levis controversia, utrum p̄aroxysmi Epileptici à vaporosâ, vel humorosâ materiâ, ventriculos cerebri opplente, proveniat. Quamvis indubium, quin sapius à malignis vaporibus facultatem expultricem stimulantibus, ad noxium removendum, emergant, sed in illo subjecto, quin cavitates cerebri fuerint repletæ copia corruptorum humorum, τὰ μὲν, hoc est luculentum, dum æger frequentius materiam delabentem deglutire coactus, quæ tamen non tam ratione obstructionis ventriculorum cerebri, τὰ δὲ illud concitavit, quin potius ob malignam ac inimicam qualitatem, qua infecta irritando cerebri membranulas investientes, ad noxium amoliendum.

OBSER-

OBSERVAT. III.

Epilepsia à colicâ cum geminatâ visione.

Rever. Pater, Prior Cœnobii Ilnensis, Naturæ melancholicæ, facie & barbâ nigricante, aliàs fat robusti corporis, inordinatè vivens, colicâ graviss. exagitatus, compressione valida torquendo intestina, tandem materia morbifica translata in cerebrum, terminata in convulsiones Epilepticas. A dolore levatus, per aliquot hebdomadas obambulans cibum capiebat, de nullo amplius symptomate questus, quam quod cunctas res, quas intuitus, geminas cerneret, alterutro humore cristallino è sua sede dimota, & per convulsionem, sursum tracto, vel deorsum delato. Id admiratione & commiseratione dignum, etsi spectatores non rarè ad risum concitati. Si quis ei manum porrigebat, ad excipiendum, tùm ille geminam se videre putabat, dubius utra apprehendenda. Idem contigit in cibo ex patina capiendò, & cyatho ori admovendo, ut aberraret in eligendo. Id mihi conspicanti, sæpius ritum expressit. Isto symptomate menstrui spacio molestante, tandem recessit,

sed vitrea erat valetudo, intra dies 14. convulsiones Epileptica inopinatò bonum illum Patrem torquere cæperunt, die noctuque affligentes, nec prius desinentes, quàm ipso è vivis sublato.

Itidem ille, ut in superiori observatione citatus Dn. D. continuo materiam viridem & nigricantem, talis etiam interdum per os ejecta, è cerebro per palatum descendentem, deglutire est coactus, dum suffocatus.

Cum prima vice dolore colico correptus, nec cederet, exhibitis purgantibus etiam ritè operantibus, ad opiata compulsi necessitas.

℞. Laud. op. cum magist. gr. 4. f. p. j. Dolor sopitus.

Cum magna adesset *avogelie* quævis cibaria averfando.

℞. Aq. bor. bugl. an. ʒʒ. Ros. ʒiij. til. ceraf. lil. conval. cinnam. a. ʒiij. man. Chr. perl. ʒj. M.

Ista aqua per aliquot septimanas fuit recreatus & sustentatus, aliquot vitra absumendo & deprædicando.

OBSERVAT. IV.

Epilepsia colicæ succedens à corruptis ac putidiss. humoribus.

M 3

Nob.

Nobil. Dn. Michael Donspergerus, Naturæ melancholicæ, cum sævis. doloribus colicis infestatus, ad ipsum vocatus in oppidum **Leibent** / superioris Styriæ, sed antè meum adventum, convulsiones epilepticæ eruperunt, ut de vitâ periclitaretur. Cum æger & Conjux multis precibus instarent, nè ipsum defererem, quin aliquam convenientem curam susciperem, quo & à præsentî malo penitus liberari, & ab imminenti, seu recidivâ, præcaveri queat, corpore prius probè evacuato, propofui decoctum lign. sanct.

cum sarf. paril. Obsequium præstitum, assumptum, & feliciter ad finem perductum, magno cum emolumento. Ab haustu, sudorifero semper promanabant sudores valdè fortidi, ut cum sudore absoluto, lecto detecto, detergendus, sua graveolentia, adstantibus abominandi, indubium corruptorum humorum argumentum. Per mensem apud illum hæsi, interea etiam alii valetudinarii, consilii causa, me accersiverunt, ut tandem benè nummatus domum reversus, relicta honorificâ, mei memoriâ & benevolentia.

De Convulsione.

OBSERVAT. I.

Convulsio diversarum partium à Vermibus causata.

Ellia 14. annorum Dn. Davidis Wolfii, Cōsulis Reip. Isnenfis, in collo constrictionem sentiens, Chirurgi operam adhibuit, qui per gargarismum succurrere malo, (ratus à materia catarrhali profectum) tentavit frustra. Cum in horas deterius haberet, & magnum impenderet suffocationis periculum, tandem circa mediam noctem ego excitatus & vocatus, comparui, thalamum ingressus, offendi ægram erectam in lecto sedentem & querulam, de in-

genti contractione faucum sibi respiratione interceptâ moriendum clamitantem, nî subveniatur subito. Conspicius etiam aderat motus convulsivus, utriusque brachii, & utriusq; cruris, modo dextrum brachium, modò sinistrum ad pectus, modò dextrum crus, modò sinistrum, magna violentia ad nates usque, invita ægra, quasi funiculis alligata, alternatim reflectebantur. Tam miserandum & condolendum spectaculum, mihi haud obvenit. Cum ob instans discrimen vitæ, consiliura